

# PNB taja 25 pelajar cemerlang SPM

KHAMIS 28/6/18 BERITA HARIAN M/S 21

➔ Sedia biasiswa lanjut pengajian di universiti tempatan, luar negara

▪ Kuala Lumpur

**S**eramai 25 pelajar cemerlang Sijil Pelajaran Malaysia (SPM) 2017 semalam, ditawarkan Anugerah Biasiswa Luar Negara PNB dan Anugerah Biasiswa PNB bagi melanjutkan pengajian di universiti tempatan dan luar negara.

Permodalan Nasional Berhad

(PNB) dalam satu kenyataan semalam berkata, pelajar yang memperoleh Anugerah Biasiswa Luar Negara PNB akan mengikuti kursus persediaan A-Level terlebih dahulu di Kolej Yayasan UEM selama dua tahun sebelum menyambung pengajian di universiti terkemuka di United Kingdom (UK) dan Amerika Syarikat (AS).

Penerima Anugerah Biasiswa



**Abdul Wahid, Abdul Rahman serta pengurus kanan PNB** bergambar bersama 25 pelajar yang menerima Anugerah Biasiswa Luar Negara dan Anugerah Biasiswa PNB di Kuala Lumpur, semalam.

PNB pula akan mengikuti pengajian di universiti awam dan swasta tempatan, selain universiti luar negara yang mempunyai kampus di negara ini.

### **Bantu pelajar**

Penyampaian anugerah berkenaan disempurnakan Pengerusi Kumpulan PNB, Tan Sri Abdul Wahid Omar yang turut merakamkan

gambar kenangan bersama dalam majlis ringkas diadakan di Ibu Pejabat PNB di Jalan Tun Razak, di sini, semalam.

Yang hadir sama pada majlis itu, Presiden dan Ketua Eksekutif Kumpulan PNB, Datuk Abdul Rahman Ahmad.

Anugerah berkenaan adalah satu daripada inisiatif PNB bagi membantu pelajar cemerlang SPM

di negara ini mengikuti pengajian di dalam dan luar negara.

PNB adalah syarikat pengurusan dana terbesar di Malaysia dengan aset di bawah pengurusan (AUM) kini mencapai RM280 bilion dengan portfolio merangkumi pelaburan strategik di syarikat korporat terkemuka Malaysia, ekuiti global, pelaburan swasta dan hartanah.